

**Corpus Juris Canonici, Per Regulas Naturali Ordine  
Digestas, Usuque Temperatas, Ex Eodem Jure, Et  
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac  
delectu, in contrariis conciliatione, eximium, simulque Indicibus ac  
Præfationibus, Notisque quamplurimis & exquisitis illustratum, ; In Tres  
Tomos divisum

Complectens Prolegomena Ad Jus Canonicum In Se Et Universim  
Consideratum

**Gibert, Jean-Pierre**

**Coloniæ Allobrogum, 1735**

Artic. I. De Canonicis Morales Quæstiones decidendi Modis.

---

[urn:nbn:de:hbz:466:1-74413](https://nbn-resolving.de/urn:nbn:de:hbz:466:1-74413)

XLIX. Qui prior appellat, prior agat.

C. 2. de Ordin. cognition. GONZALEZ in hoc cap. illam Regulam sic explicat, ut verus sensus sit, quodis, qui appellat, est Auctor in secundâ instantiâ coram Judice ad quem, et si Reus fuerit in primâ instantiâ coram Judice à quo, eamque defumptam dicit ex L. Qui appellat. 29. ff. de Iudiciis.

### §. III.

#### De Moralibus Regulis.

Antequâm colligantur Regulæ Morales juxta divisionem superius memoratam, una Generalis præmittenda, que præ aliis omnibus est notanda ac retinenda; præscribit enim modos, quibus exorta circâ Mores dubia decidenda sint, quod ad Mores permaxime pertinet.

#### ARTICULUS I.

##### De Canonicis Morales Questiones decidendi Modis.

###### OBSERVATIO.

In Jure Canonico non alii leguntur modi, quibus Morales Questiones decidantur, quam isti.

1. Scriptura sacra. C. 3. Dist. XX. ibi enim habetur, ad alia recurendum, cum casus decidi nequeunt ex Scripturâ.

2. Canones, mox citandorum Textuum, quibus Decretales Summorum Pontificum annumerantur: in Priore enim legitur fidem inutiliter habere, qui Canones non recipit: in Posteriore, Canones vocantur Divina Scripta Graeca, quia nondum erant Canones Latini, qui ab Ecclesiâ Romana recipieruntur. C. 1. Dist. XX. C. 3. cit.

3. Sancti Patres. C. 3. cit. in utroque expressè habetur: Clementina 1. de Fide & Summa Trinit. quæ præfert opinionem, quæ docet in Baptismo infundi Infantibus Virtutes, ex eo quod sit Sanctorum dictis magis consona.

4. Sanctorum exempla. C. 3. cit. hic modus in isto Capite exprimitur, quod refringendum ad ea, quæ Legi Naturali vel Divina manifeste non adversantur.

5. Concilia Generalia vel Particularia. C. 3. cit. hic etiam ibid. exprimitur.

6. Sedes Apostolica, si à Conciliis Particularibus decidi nequeant. C. 1. Dist. XX.

Non obstat, quod Canon 2. & Canon 3. citati inter Apocryphos à Criticis collocentur; hoc enim non sit propter id, quod continent, sed ob Autoris illorum incertitudinem: præterea Canon 3. nihil habet, quod non sit in Canone 1. quem omnes legitimum esse Leonis IV. factum agnoscunt, eo solo excepto, quod de exemplis Sanctorum dictum est, quodque confirmatur ab eodem Canone 1. Quod enim dicit de Scriptis Patrium, extendere fas est ad eorum exempla, quæ non minoris ponderis ac authoritatis sunt, quam illorum Scripta. Can. 2. de alio Decisionum fonte non loquitur quam de Decretalibus, de quarum authoritate mentio ampla fit in Dist. XIX. quæ tota est in illâ probanda. Ad hanc Canon 3. Dist. XX. de eadem sermonem facit, & recensens Pontifices Veteres, quorum Decretales recipierunt, incipit à Siricio, idèque excludit ab hoc numero illas, quæ Antiquioribus suppositæ sunt.

In recentendis Fontibus, ex quibus Ethica Christiana haurienda est, juxta Juris Canonici præscriptum, ordinem authoritatis fecuti sumus; idèque 1. locum dedimus Scripturæ Sacrae, 2. Concilii Generalibus. 3. Decretis Summorum Pontificum, 4. SS. Patribus, 5. Historiæ exemplis, insinuavimusque, in Controversiis circa illam exortis, non esse recurendum ad Summos Pontifices, nisi cum à Conciliis Particularibus finiri non possint, vel quia illorum Celebratio possibilis non est, vel quia non consentiunt in Decisione.

Ex notato ordine sequitur, quod si SS. Patrium Dicta, vel Pontificum Decreta, adversentur vel Scriptura, vel Conciliorum Generalium Definitionibus,

Tom. I.

Regulæ Decisionum esse nequeant: hoc agnoscit GRATIANUS DIST. XIX. sub Can. 7. excludens expresse ab his, quæ dixerat in favorem Sanctionum Pontificiarum, quascumque præceptis Evangelicis adversantes. Item S. Leo confirmat in Can. 2. DIST. XIV.

Quod mox observatum est ad Decisiones ab iisdem datas circâ proposta eisdem dubia, hujus rei exemplum refertur attentione dignissimum in Commentario VAN ESPEN in DIST. XX. Concilium Toletanum IV. an. 686. cui præsidebat S. Julianus Confessionem 16. Capitulus constanter miserat ad Benedictum II. Papam; intellecto autem, quod iste quatuor ex illis improbaret, biennio post congregatum fuit aliud Concilium, in quo cum reperissent ista consona Dictis SS. Ambrosii, Augustini, Fulgentii, pronuntiarent, standum esse his Dictis. Legefis citatum exemplum, & concludes, quod notata exceptio jure merito notanda est.

Clementina suprà citata inter Regulas vel Fontes Decisionum Moralium & aliarum ad Doctrinam spectantium, recensere videtur Theologorum Modernorum Sententias, cum illas collocet inter momenta, quibus determinatur ad relatum opinionem alteri præferendam; sed id restrainingum ad ea, de quibus nec Scriptura, nec Concilia, nec Summi Pontifices, nec SS. Patres quidquam clarè dixerunt, nec non ad ea, in quibus Moderni Theologi cum SS. Patribus consentiunt, vel de Theologis intelligendum, quorum Doctrina communiter recepta est, ut *Divi Thomæ*; aliorumve similium. Hæc Clementina facta est approbante Concilio Vienensi, an. 1311.

Quod de SS. Patrum authoritate in Decisionibus hactenus dictum est, confirmatur per Cap. unicum de Fide & Summa Trinit. in VI. in quo deciditur ex consensu illorum, tūm Græcorum, tūm Latinorum, Spiritu Sanctum unā Spiratione aeternaliter procedere ex Patre & ex Filio: desumitur ex Concilio Lugdunensi. I. Idem Textus distinguit Doctores à Patribus, & Gloffa in verba Doctorum ait, quod illorum præcipius est ordo in Ecclesiâ, illud probans per C. 12. de Hæret. §. Sicut, addit, quod hoc nomine intelligendi sint Prædicatores & Prælati, ad id autem allegat C. 1. DIST. XLIII. Horum duplex genus, aliud Pontificum, aliud non Pontificum, ibi distinguitur à S. GREGORIO.

#### ARTICULUS II.

##### De Prohibitorii circâ Mores Regulis.

###### OBSERVATIO.

#### Prohibitoriae circâ Mores Regule he sunt.

I. Plus timeri solet quod specialiter, quam quod generaliter inhibetur.

Clem. unic. de excess. Præl. in fine.

II. Cum quid prohibetur, prohibentur etiam omnia, quæ ex illo sequuntur.

R. 35. 80. de Reg. Jur. in VI.

III. Malitiis hominum non est indulgendum. C. 23. de Rescript. C. 5. Qui accusant Matr. C. 27. de Priv.

Hæc Regula Superiores præcipue respicit; horum enim est Hominum malitias correptione, vel punitione, vel Lege coercere.

REGULÆ RATIO. Fiunt in dies peiores Homines, ni eorum malitiæ obviatur: vix enim poena in officio suo retinentur.

I V. Fraus & dolus nemini patrocinari debet.

C. 15. 16. de Rescript. R. 4.

Includitur in superiori, fraus enim & dolus sunt malitia, quibus non est indulgendum, ac quibus indulgetur, si cuiquam patrocinari permitterentur. Contrà

c 2 verbo-